

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TISA

KIKAO CHA NANE

16 NOVEMBA, 2017



ORODHA YA SHUGHULI ZA LEO

MKUTANO WA TISA

KIKAO CHA NANE – TAREHE 16 NOVEMBA, 2017

I. DUA:

II. HATI ZA KUWASILISHA MEZANI:

WAZIRI WA UJENZI, UCHUKUZI NA MAWASILIANO:

Maelezo ya Waziri wa Ujenzi, Uchukuzi na Mawasiliano kuhusu Muswada wa Sheria ya Wakala wa Meli Tanzania wa Mwaka 2017 [*The National Shipping Agencies Bill, 2017*].

MWENYEKITI WA KAMATI YA MIUNDOMBINU:

Maoni ya Kamati ya Miundombinu kuhusu Muswada wa Sheria ya Wakala wa Meli Tanzania wa Mwaka 2017 [*The National Shipping Agencies Bill, 2017*].

**MSEMAJI MKUU WA KAMBI RASMI YA UPINZANI
WA WIZARA YA UJENZI, UCHUKUZI NA
MAWASILIANO:**

Maoni ya Msemaji Mkuu wa Kambi Rasmi ya Upinzani wa Wizara ya Ujenzi, Uchukuzi na Mawasiliano kuhusu Muswada wa Sheria ya Wakala wa Meli Tanzania wa Mwaka 2017 [*The National Shipping Agencies Bill, 2017*].

III. MASWALI KWA WAZIRI MKUU:

IV. MASWALI YA KAWAIDA:

OFISI YA RAIS (TAMISEMI):

**96. MHESHIMIWA DKT. MARY MICHAEL NAGU
(HANANG’):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Mwaka 2014/15 Serikali kupitia Agizo la Mheshimiwa Rais iliwataka Wananchi kuchangia Ujenzi wa Maabara na Wananchi waliitikia kwa kiasi kikubwa sana hasa katika Wilaya ya Hanang’:-

- (a) Je, ni lini Serikali italeta Vifaa vya Maabara katika majengo hayo ya Maabara yaliyokamilika katika Wilaya ya Hanang’;

(b) Je, Serikali itasaidia vipi kukamilisha Maabara ambazo kutokana na njaa Wananchi hawakuweza kukamilisha Ujenzi wake.

**97. MHESHIMIWA BONIVENTURA DESTERY
KISWAGA (MAGU):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali iliipatia Halmashauri ya Wilaya ya Magu fedha za ujenzi wa Ofisi za Halmashauri lakini ujenzi huo haujakamilika:-

Je, ni lini Serikali itatoa fedha kwa ajili ya kukamilisha ujenzi huo.

**OFISI YA MAKAMU WA RAIS (MUUNGANO NA
MAZINGIRA):**

**98. MHESHIMIWA MWANTUM DAU HAJI
(VITI MAALUM):**

Atamuuliza Mheshimiwa Waziri wa Nchi, Ofisi ya Makamu wa Rais (Muungano na Mazingira):- Kilimo cha Tanzania hutegemea mvua za msimu ambazo kwa kiasi kikubwa zimeathiriwa na mabadiliko ya Tabianchi na hivyo kuathiri shughuli za uzalishaji:-

Je, Serikali ina mpango gani wa kukabiliana na athari za mabadiliko ya Tabianchi.

WIZARA YA HABARI, SANAA, UTAMADUNI NA MICHEZO:

99. MHESHIMIWA ELIBARIKI IMMANUEL KINGU (SINGIDA MAGHARIBI):

Atamuuliza Waziri wa Habari, Sanaa, Utamaduni na Michezo: Uandaaji wa Mashindano ya Kimataifa ya Mpira wa Miguu chini ya Shirikisho la Mpira wa Miguu la Afrika (CAF) unataka Miji miwili iteuliwe kuendeshea mashindano hayo:-

Je, Serikali imeteua Mji upi wa pili mbali na Dar es Salaam kuendeshea Mashindano ya AFCON ya Vijana chini ya umri wa miaka 17 ya 2019 yatakayofanyika Tanzania.

WIZARA YA MAJI NA UMWAGILIAJI:

100. MHESHIMIWA MUSA RASHID NTIMIZI (IGALULA):

Atamuuliza Mheshimiwa Waziri wa Maji na Umwagiliaji:- Serikali imeanza mchakato wa kutoa maji ya Ziwa Victoria kupeleka katika Mkoa wa Tabora:-

(a) Je, mradi huo utapita katika Wilaya ya Uyui;

(b) Je, ni Vijiji gani katika Jimbo la Igalula vitanufaika na mradi huo hasa ikizingatiwa shida kubwa ya maji waliyonayo Wananchi hao.

101. MHESHIMIWA GIBSON BLASIUS OLE - MEISEYEKI (ARUMERU MAGHARIBI):

Atamuuliza Mheshimiwa Waziri wa Maji na Umwagiliaji:- Uhaba wa maji ni moja kati ya matatizo sugu katika Jimbo la Arumeru Magharibi ingawa maji yote yanayotumika katika Jiji la Arusha yanatokea kwenye Jimbo la Arumeru Magharibi:-

Je, ni nini mkakati wa haraka wa Serikali wa kutatua tatizo hilo la maji katika Kata takribani 20 kati ya Kata 27 za Jimbo hilo.

102. MHESHIMIWA ZAINABU MNDOLWA AMIRI (VITI MAALUM):

Atamuuliza Mheshimiwa Waziri wa Maji na Umwagiliaji:- Mboga za majani ni lische bora kwa afya ya binadamu; na Wakulima wengi wa mbogamboga katika Jiji la Dar es Salaam wanatumia maji yasiyo salama kwa ajili ya kumwagilia na huenda maji hayo yana kemikali zinazoweza kusababisha mbogamboga hizo kudhuru afya za Wananchi badala ya kuziimarisha:-

Je, Serikali ina mpango gani wa kuwapatia maji safi na salama Wakulima hao wa mbogamboga.

WIZARA YA AFYA, MAENDELEO YA JAMII, JINSIA, WAZEE NA WATOTO:

103. MHESHIMIWA ALLAN JOSEPH KIULA (IRAMBA MASHARIKI):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Kumekuwa na ongezeko kubwa la magonjwa yasiyoambukiza ambayo yanasababisha vifo vingi hasa kwa Watanzania wanaoishi Vijijini ambako Madaktari bingwa na huduma za vipimo vya Maabara havipatikani:-

- (a) Je, Serikali ina mpango gani wa kuanzisha programu maalum ya kupeleka Madaktari bingwa na Maabara zinazotembea Vijijini;
- (b) Je, Serikali ina mpango wa kutoa ruzuku ya tiba kwa Watanzania wasio na uwezo wanaougua magonjwa yasiyoambukizwa.

WIZARA YA MALIASILI NA UTALII:

104. MHESHIMIWA PHILIPO AUGUSTINO MULUGO (SONGWE):

Atamuuliza Mheshimiwa Waziri wa Maliasili na Utalii:- Ziwa Rukwa lina Wanyama wengi aina ya Mamba waliofugwa humo ambao husababisha vifo kwa Wananchi waishio pembezoni mwa Ziwa hilo wakiwemo Wananchi wa Songwe na Serikali imekuwa ikitoa vibali vichache kuvuna Mamba hao:-

- (a) Je, kwa nini Serikali isiongeze idadi ya kuvuna Mamba hao ili kuwapunguza;
- (b) Kwa kuwa vifo vingi vya Wakazi wa maeneo hayo vinatokana na kuliwa na Mamba na Serikali haitoi mkono wa pole kwa Wananchi walioathirika na vifo hivyo; Je, Serikali haioni haja ya kuwafikiria Wafiwa hao.

WIZARA YA ELIMU, SAYANSI NA TEKNOLOJIA:

105. MHESHIMIWA HUSSEIN NASSOR AMAR (NYANG'HWALE):

Atamuuliza Mheshimiwa Waziri wa Elimu, Sayansi na Teknolojia:-

Je, katika bajeti ya Serikali 2016/2017 Serikali ilitarajiwa kuanzisha Vyuho vingapi vya ufundi ikiwemo Nyang'hwale.

WIZARA YA MIFUGO NA UVUVI:

106. MHESHIMIWA SOPHIA HEBRON MWAKAGENDA (VITI MAALUM):

Atamuuliza Mheshimiwa Waziri wa Mifugo na Uvuvi:-

- (a) Ranchi ya NARCO Mbarali ilianzishwa kwa ajili ya mifugo; Je, ni kwa nini eneo hilo sasa linatumika kwa kilimo;
- (b) Migogoro ya wakulima na wafugaji Mbarali imekuwa ni mingi, Je, kwa nini Serikali isitoe eneo la Ranchi ya NARCO Mbarali ili litumike kwa ajili ya malisho ya mifugo.

VI. MISWADA YA SHERIA YA SERIKALI:

*(Kusomwa Mara ya Pili, Kamati ya Bunge Zima na
Kusomwa Mara ya Tatu)*

Muswada wa Sheria ya Wakala wa Meli Tanzania wa
Mwaka 2017 [*The National Shipping Agencies Bill,
2017*].

**DODOMA
16 NOVEMBA, 2017**

**S.N. KAGAIGAI
KATIBU WA BUNGE**

